



15  
1826

Bosnia and Herzegovina  
Federation of Bosnia and Herzegovina  
**CANTON SARAJEVO**  
Ministry of Labour, Social Policy,  
Displaced Persons and Refugees

Broj: 13-04-31246-30.1/26  
Sarajevo, 15.07.2026. godine

**SKUPŠTINA KANTONA SARAJEVO**

**Služba za skupštinske poslove**  
**-ovdje-**

**KANTON SARAJEVO**

**Stručna služba Vlade**  
**-ovdje-**

**PREDMET:** Zastupnička inicijativa - odgovor, dostavlja se

Poštovani,

Zastupnica Danijela Kristić je na 31. radnoj sjednici Skupštine Kantona Sarajevo, održanoj dana 17.06.2026. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa Poslovníkom Skupštine Kantona Sarajevo, uputila sljedeću zastupničku inicijativu:

**"Inicijativa da se formiraju specijalizovani stručni timovi za rad na predmetima nasilja u porodici u okviru službi socijalne zaštite na području Kantona Sarajevo, kao i za kadrovsko jačanje centara za socijalni rad.**

**ODGOVOR:**

U Ministarstvu za rad, socijalnu politiku, raseljena lica i izbjeglice Kantona Sarajevo (u daljem tekstu: Ministarstvo) zaprimljena je navedena zastupnička inicijativa, koja je razmotrena, te u vezi s navedenom dostavljamo sljedeće izjašnjenje.

Ministarstvo u potpunosti podržava inicijativu da se žrtvama nasilja osigura pravovremena, kontinuirana i kvalitetna podrška, kao i da se kontinuirano jačaju kapaciteti ustanova socijalne zaštite. Međutim, važno je ukazati da dio pitanja obuhvaćenih inicijativom već ima odgovarajuće zakonsko uređenje ili se nalazi u fazi implementacije.

U odnosu na prijedlog formiranja specijalizovanih interdisciplinarnih timova za rad na predmetima nasilja u porodici, ukazujemo da je članom 66. Zakona o zaštiti od nasilja u porodici i nasilja nad ženama u Federaciji Bosne i Hercegovine propisano da nadležni organ starateljstva, kada smatra da je to potrebno, može obrazovati poseban stručni tim sastavljen od predstavnika organa



starateljstva, policijskog organa i pravne osobe koja pruža specijalizirane usluge podrške, radi izrade posebnog plana zaštite, pomoći i podrške žrtvi nasilja. Navedena zakonska odredba već daje nadležnim službama socijalne zaštite mogućnost da, u skladu sa procjenom potreba konkretnog slučaja, obrazuju specijalizovane interdisciplinarne timove, bez potrebe za donošenjem dodatnih propisa ili posebnih odluka Ministarstva.

Kada je riječ o kadrovskom jačanju Javne ustanove „Kantonalni centar za socijalni rad“, Ministarstvo kontinuirano pruža podršku zapošljavanju stručnog kadra u okviru zakonom propisanih procedura. Ističemo da Ministarstvo nije uskratilo saglasnost ni na jedan zahtjev JU "Kantonalni centar za socijalni rad" za prijem u radni odnos koji je upućen u prethodnom periodu. Istovremeno, prema informacijama kojima Ministarstvo raspolaže, jedan od ključnih izazova u popunjavanju sistematizovanih radnih mjesta nije izostanak saglasnosti za zapošljavanje, nego nedovoljan broj prijavljenih kandidata na raspisane javne konkurse, posebno za radna mjesta psihologa. U praksi se dešava da se za više otvorenih pozicija prijavi svega jedan kandidat, što objektivno otežava popunjavanje postojećih sistematizovanih radnih mjesta stručnog kadra.

U odnosu na inicijativu za izradu jedinstvenih procedura i standarda postupanja, Ministarstvo ističe da je, od strane Federalnog ministarstva rada i socijalne politike informisano o aktivnostima na donošenju podzakonskih akata predviđenih Zakonom o zaštiti od nasilja u porodici i nasilja nad ženama u Federaciji Bosne i Hercegovine, o čemu su blagovremeno obaviješteni i JU "Kantonalni centar za socijalni rad" i druge nadležne službe socijalne zaštite na području Kantona Sarajevo. Federalni ministar rada i socijalne politike već je donio Pravilnik o minimalnim standardima, postupku ocjene ispunjenosti i reviziji ispunjenosti minimalnih standarda za rad sigurnih kuća u Federaciji Bosne i Hercegovine, zajedno sa Metodološkim smjernicama koje čine njegov sastavni dio. Istovremeno, Federalno ministarstvo rada i socijalne politike obavijestilo je kantonalna ministarstva da se preostali podzakonski akti propisani Zakonom nalaze u završnoj fazi izrade i da će uskoro biti upućeni u proceduru donošenja. Posebno ističemo da je članom 82. stav (11) Zakona propisano da se do donošenja novih podzakonskih akata nastavljaju primjenjivati postojeći podzakonski akti doneseni na osnovu ranijeg Zakona o zaštiti od nasilja u porodici. Na taj način osiguran je kontinuitet postupanja nadležnih institucija i pravna sigurnost žrtava nasilja, bez prekida u primjeni važećih procedura do stupanja na snagu novih podzakonskih propisa.

Ministarstvo će i u narednom periodu, u okviru svojih nadležnosti, nastaviti pružati podršku jačanju sistema socijalne zaštite, unapređenju međuinstitucionalne saradnje i implementaciji svih zakonskih rješenja koja imaju za cilj efikasniju zaštitu od nasilja u porodici i nasilja nad ženama.

Pripremila: Iman Čehić, stručna saradnica

Kontrolisali: Miralem Dedović, pomoćnik

Amira Gackić, sekretarka

PO OVLAŠTENJU PREMIJERA  
MINISTARICA

Naida Hota - Muminović

Dostaviti:

-Naslovu (2x),

-A/a.



Adresa: Reisa Džemaludina Čauševića 1, 71 000 Sarajevo

Tel: + 387(0)33 562-089, Fax: + 387(0)33 562-090

Web: <http://mrsri.ks.gov.ba>, E-mail: [mrsri@mrsri.ks.gov.ba](mailto:mrsri@mrsri.ks.gov.ba)